

Bautismo di "The Lago Story" skirbi pa Drs. Jorge Ridderstaat na SINFA

ORANJESTAD - Den presencia di mas di 200 persona den un ambiente hopi festivo den caya principal di San Nicolas dilanti di edificio di San Nicolas Foundation for the Art (SINFA), a tuma lugar e "bautismo" di e buki The Lago Story skirbi pa drs. Jorge Ridderstaat.

E sede di SINFA mes a wordo converti den un mini museo cu hopi artefacto di temponan di Lago. E portanan di e biblioteca a wordo decora cu e logo di Lago y un potret mustRANDO empleadonan saliendo pa main gate.

E evento a wordo organiza como un celebracion di e añanan di Lago, un epoca distintivo den historia di San Nicolas cu un sabor tipico di San Nicolas: Un grupo di mucha muhe di San Nicolas a canta canticanan tradicional



Acto di bautismo di e buki The Lago Story skirbi pa drs. Jorge Ridderstaat.

y popular, otro grupo a exhibi nan talento artistico cu bailenan regional. Tambe


tabatin un steel band cu tabata crea ambiente Caribense cu tabatin hopi presente ta sacudi na pianan na ritmo di calypso.

Nacional di Aruba y awor ta miembro di casi tur fundacion cultural Hulandes cu ta patrocina actividadnan cultural y literario riba Aruba, incluyendo Editoria Charuba cu a financia e mayoria parti di e gastonan di publicacion di The Lago Story.




Un incidente interesante tabata ora cu Sra. Van Romondt a presenta cuatro Americano cu tabata di bishita na nos isla. Tur cuatro ta ex alumno di Lago High School cu a nace na Lago y a bin Aruba especialmente pa e bautismo. Susanne Gravendijk, yiu di un Hulandes cu a traha pa Hollandsche Bank Unie prome cu ela bay traha como hefe di Cashiers den Accounting Department di Lago, a bisa cu e ta sinti cu ela bin bek cas. E otro bishitantenan, Karin Hoglund, Steve Fremgen y Jack Watkins tur a expresa nan alegria di por ta presente. Despues tur cuater a cumpra por lo menos un buki y a haya autografo di e autor.

E buki a tuma 7 aña pa wordo completa. Ta obvio cu Sr. Ridderstaat a haci un

Alice van Romondt a haci un trabou magistral como maestro di ceremonia. Sra. Van Romondt un tempo tabata Directora di Biblioteca



investigacion extensivo. Ademas di un cantidad grandi di publicacion cu ela consulta ela entrevista hopi hende cu a contribui cu informacion importante. E buki ta cubri diferente aspecto di historia di Lago manera impacto economico, social, educacional, cultural, deportivo y ecologico cu ta wordo coraborsa cu evidencia historico y estadistico. Ela



Señor Roland Peterson hopi conoci pa su poemanan.

wordo skirbi na Ingles y no na Papiamentu pa razonnan practico y economico, manera e autora a declara den su discurso di presentacion. E mayoria di e material inclui den e buki tabata na Ingles y e mayoria grandi di Arubianonan cu kier lesa e buki lo no tin problema mientras e mayoria di esnan cu eventualmente lo kier lesa e buki no ta lesa Papiamentu.

Bon Dia Aruba tin entendi cu e publico presente a cumpra 120 copia di e buki e prome dia. Esaki ta otro buki cu ta pertenece den coleccion di tur cas Arubiano.